

303

Na osnovu člana 40. stav 2. Zakona o ličnoj karti državljana Bosne i Hercegovine ("Službeni glasnik BiH", broj 32/01) i Zakona o izmjenama i dopunama Zakona o ličnoj karti državljana Bosne i Hercegovine ("Službeni glasnik BiH", broj 16/02), Ministarstvo civilnih poslova i komunikacija Bosne i Hercegovine, donosi

PRAVILNIK

O UPISIVANJU ZABRANE ZA PRELAZAK DRŽAVNE GRANICE U LIČNU KARTU DRŽAVLJANA BOSNE I HERCEGOVINE

Član 1.

Ovim pravilnikom propisuje se način upisivanja zabrane kojom se navodi da je korištenje lične karte zabranjeno za prelazak državne granice nosiocu lične karte po odluci nadležnog suda ili organa nadležnog za izdavanje putnih isprava.

Član 2.

Ako nadležni sud ili organ, zabrani izdavanje putne isprave državljaninu BiH, nadležni organ za izdavanje lične karte iz člana 7. Zakona o ličnoj karti državljana Bosne i Hercegovine donijet će rješenje o zabrani korištenja lične karte za prelazak državne granice licu kome je izdata lična karta ili koje je podnijelo zahtjev za izdavanje-zamjenu lične karte.

Član 3.

Nakon donošenja rješenja o zabrani prelaska državne granice nadležni organ iz prethodnog člana poziva imaooca lične karte da odmah po primljenom pozivu donese ličnu kartu radi upisivanja zabrane prelaska državne granice.

Član 4.

Upisivanje zabrane prelaska državne granice vrši se na način da se nakon deponovanja važeće lične karte tom licu izda nova lična karta u koju se u rubriku "NAPOMENA" na poledini obrasca lične karte upisuje tekst koji glasi: "Zabrana prelaska državne granice".

Upisivanje zabrane prelaska državne granice licu koje je podnijelo zahtjev za izdavanje-zamjenu lične karte vrši se u toku postupka izdavanja-zamjene lične karte.

Član 5.

Nadležni organ, nakon što utvrdi da su prestali razlozi zabrane prelaska državne granice, poziva imaoce lične karte iz prethodnog člana radi poništavanja lične karte sa upisanom zabranom za prelazak državne granice, odnosno radi vraćanja ranije deponovane lične karte.

Lična karta sa upisanom zabranom se poništava.

Član 6.

Troškovi postupka upisivanja zabrane prelaska državne granice u ličnu kartu, regulisat će se posebnim aktom.

Član 7.

Ovaj pravilnik stupa na snagu danom objavljivanja u "Službenom glasniku BiH".

Ovaj pravilnik će se objaviti i u službenim glasilima entiteta i Brčko Distrikta BiH.

Broj 01/1-1296/02 2. decembra 2002. godine Sarajevo

Ministar Svetozar Mihajlović, s. r.